

ES NRAS

Es Nras, Zaj 1 thiab 6

Cov Yus Das nyob Npas Npis Los pib rov los nyob Yus Das teb.
1 : 1 - 8 + 11.

- 1 1 Thawj xyoo uas Kws Los pib ua vaj nyob Pes Xis teb, HUAB TAIS xav ua raws li nws lo lus uas Yes Les Mias tau hais. HUAB TAIS tuaj tshoj Kws Los lub tswv yim ces Kws Los tus vaj Pes Xis thiaj tshaj ceeb toom rau nws lub teb chaws tas tib si tias :
- 2 "Tus vaj Kws Los uas kav Pas Xis teb hais li no :
HUAB TAIS Tswv Ntuj, muab tas cov teb chaws nyob ntiaj teb rau kuv kav. Nws xav kom kuv ua txoj haum lwm no : kuv yuav txhim ib lub Tuam Tsev teev nws nyob Yes Lus Xas Les nyob Yus Das teb.
- 3 Nyob hauv nej, leej twg yog Tswv Ntuj haiv neeg mas kom Tswv Ntuj nrog nej nyob ! Thiab kom nws mus pem Yes Lus Xas Les uas nyob Yus Das teb, kom nws mus txhim lub Tuam Tsev teev HUAB TAIS uas yog His Xas Lais tus Tswv Ntuj. Yog tus Tswv Ntuj nyob Yes Lus Xas Les.
- 4 Tas txhia haiv neeg uas nej muaj ib co His Xas Lais nrog nej nyob, mas nej yuav muab nyiaj, muab kub, muab toob xib los muab tsiaj thauj nra tuaj pab cov His Xas Lais. Nej kuj nqa paj tshab tuaj pab ua Tswv Ntuj lub Tuam Tsev nyob Yes Lus Xas Les."
- 5 Ces cov txiv tsev Yus Das thiab Npes Yas Mis, cov Leej Choj, cov Les Vis thiab tas cov neeg uas Tswv Ntuj tshoj lawv lub tswv yim, sawv daws sawv mus pem Yes Lus Xas Les kom tau txhim HUAB TAIS lub Tuam Tsev. 6 Cov

neeg nyob ob cag kuj pab lawv. Lawv muab nyiaj muab kub, muab toob xib, muab tsiaj thauj nra thiab pub ntau yam muaj nqes thiab paj tshab pab lawv dawb dawb.

7 Cov twj nyob hauv HUAB TAIS lub Tuam Tsev uas Nas Npws Kos Dos Nos Xes nqa ntawm Yes Lus Xas Les mus rau hauv lub Tuam Tsev teev nws tus tswv ntuj, mas Kws Los tso neeg mus nqa cov twj ntawd rov los.

8 Kws Los uas yog tus vaj Pes Xis, nws muab cov twj ntawd rau tus saib nyiaj Mis This Das, Mis This Das suav cov twj ntawd thiab nws muab rov rau tus nom Yus Das Xes Npas Xas.

11 Tas huv tib si lawv suav muaj 5,400 lub twj taig nyiaj thiab kub. Thaum cov His Xas Lais nyob txim rov los rau Yes Lus Xas Les, mas Xes Npas Xas nqa cov twj ntawd tib si rov los rau Yes Lus Xas Les.

Lawv rov txhim lub Tuam Tsev Teev Ntuj. Lawv rov ua lub Ntees Hla. Xyoo 515. 6 : 1 - 5 + 13 - 19.

- 6 1 Hnub ntawd lawv ua raws li tus vaj Das Lis Yus cov lus ceeb toom. Lawv mus tshawb cov tsev ceev ntawv nyob Npas Npis Los. 2 Ces nyob hauv lub tsheej Es Npas Tas uas nyob hauv cov Mes Dias lub xeev, lawv nrhiav tau ib kauj ntawv muaj cov lus sau tseg zoo li no : "Yuav nco ntsoov qhov no : 3 Thawj xyoo uas tus vaj Kws Los ua vaj, tus vaj Kws Los tau hais tias : hais txog Tswv Ntuj lub Tuam Tsev uas nyob Yes Lus Xas Les, mas yuav rov qab tsa lub Tuam

Tsev kom muaj ib qho chaw txi Ntuj thiab ib qho chaw nqa paj tshab tuaj hlawv. Lub tsev ntawd qhov siab yuav siab li rau caum tshim, qhov dav yuav dav li rau caum tshim. 4 Yuav muaj peb txheej phab ntsa, yuav muaj ob txheej ntoo. Nyiaj txiag, yog tus vaj yuav siv kom tau ua.

5 Tseem hais qhov no ntxiv : cov twj kub thiab nyiaj uas ib txwm nyob hauv lub Tuam Tsev tas tib si uas Nas Npws Kos Dos Nos Xos tau nqa ntawm Yes Lus Xas Les mus rau Npas Npis Los lawm, mas yuav xa cov twj ntawd tib si rov qab. Tas puas tsav yam yuav rov qab mus nyob nws qhov qub chaw, nyob hauv Tswv Ntuj lub Tuam Tsev nyob Yes Lus Xas Les."

13 Ces tus nom Pes Xis uas hu ua Tas Tes Nais thiab cov nrog nws ua ib pab, lawv ua raws nraim li cov lus uas tus vaj Das Lis Yus xa tuaj. 14 Cov txwj laus Yus Das txhim lub Tuam Tsev ntxiv. Ob tug Yaj Saub As Nkais thiab Ntxas Kas Lias pab txhib sawv daws. Lawv txhim lub Tuam Tsev Teev Ntuj kom tiav raws li tsoom His Xas Lais tus Tswv Ntuj thiab raws li cov vaj Kws Los thiab Das Lis Yus qhia.

16 Cov His Xas Lais ua ib lub hnuv nyog lom zem, lawv ua cov kab ke qee lub Tuam Tsev ntawd rau Tswv Ntuj. 17 Lawv muab ib puas tus heev nyuj, ob puas tus laug yaj, plaub puas tus yaj me los txi Ntuj, thov kom Tswv Ntuj zam His Xas Lais cov txhaum.

18 Ces lawv tsa kom muaj cov Leej Choj thiab muaj cov Les Vis raws li cov txheej neeg ua kab xwm tsob hwb Tswv Ntuj lub Tuam Tsev nyob Yes Lus Xas Les, raws li cov lus sau tseg nyob hauv Mais Xes cov ntawv.

19 Cov neeg mus nyob txim uas lawv rov

los lawv ua lub hnuv nyog Hla, yog lub ib hlis xiab kaum plaub.

Lawv tsa txoj cai tsis pub cov Yus Das yuav cov poj niam pej kum neeg. 9 : 1 - 4 + 10 : 3 - 4.

9 1 Ua li ntawd tas, mas cov ua thawj los hais rau Es Nras tias :

"Tsoom His Xas Lais cov Leej Choj, thiab cov Les Vis tsis txiav cov neeg nyob hauv lub teb chaws uas lawv mus taug kev teev dab, yam li cov Kas Nas Has, cov His Tis, cov Pes Lis Ntxis, cov Zes Npus, cov Muas, cov Hais Nkws Tos thiab cov As Mos.

2 Cov His Xas Lais ntawd thiab lawv tsoom tub mus yuav poj niam nyob hauv cov haiv neeg ntawd cov ntxhais. Li ntawd, haiv neeg ntshiab nrog cov neeg ib txwm nyob hauv lub teb chaws no sib xyaws tas lawm. Cov nom tswv, cov txwj laus yog cov xub ua thawj ntxeev siab li ntawd."

Thaum kuv hnov cov lus ntawd, kuv dua rhe kuv lub tsho, 3 kuv dob kuv cov plaub hau, kuv rho kuv cov hwj txwv. Kuv zaum, kuv lub siab ntxhov hnyo.

4 Tas cov neeg uas lawv hwm tsoom His Xas Lais tus Tswv Ntuj, lawv pom qhov ntxeev siab ntawd mas lawv tuaj nyob ncig kuv. Ntawm kuv, mas kuv zaum twj ywm, kuv lub siab ntxhov hnyo mus txog lub caij txi Ntuj yav tsaus ntuj.

15 3 Ces Ses Kas Nias hais rau Es Nras tias :

"Peb tau hla peb tus Tswv Ntuj lus, peb tau yuav ib co poj niam pej kum neeg. Tab yog peb ua li ntawd mas tseem tshuav chaw tso siab rau His Xas Lais.

4 Peb yuav cog lus nyob ntawm Tswv Ntuj xub ntiag tias peb yuav nrauj cov poj

Es Nras, Zaj 15

niam pej kum tib si thiab nrauj lawv tej peb tus Tswv Ntuj tej lus qhia. Peb kav
me nyuam tib si. Peb xav mloog txiv tsij ua raws txoj cai ntag !"
tswv lus ntuas thiab mloog cov neeg hwm